



Profil Economico



Joyce Bartels Daal

Despues di ATIA tin reto nan nobo



Awe nos ta sinta na mesa cu Joyce Bartels Daal, kende despues di a termina su servicio como Director di ATIA ta mira den wowo di otro reto su dilanti.

ATIA

Profil Economico a puntra Joyce kiko ta e motibo cu ela bandona su funcion na ATIA, despues di a desplega un tremendo trabao. Joyce a contesta cu momento cu ela firma un contrato di 3 año cu ATIA na 2010, e retonan su dilanti tabata varios y a cuminsa na trece cambianan den estructura di e asosacion. Un di e cambianan aki ta e conferencia "Women in Leadership" na unda cu a pone e acento riba e necesidad di mira hende muher den posicion di management y den liderasgo.

En total Joyce a traha 2 año y 7 luna, na unda cu e acuerdo ta dirigi cu elo cumpli' cu e prome cambianan. Joyce tin su propio compania di training, coaching y

consultancy desde 1993 ela cuminsa su so y despues a join cu diferente partnernan, entre otro uno hopi bunita cu su ruman muher Helen Guda den Aruba Learning. Ela gusta e tarea cu ta encera change management, cu ta pa trece cambianan importante y en principio tabata desea di haci esaki atravez di su compania mientras cu ATIA kier esaki cu un hende den su servicio. Den esaki Joyce a pone como condicion cu si e sinti cu e por caba cu su tarea mas tempran, elo kier bay prome cu 3 año. A bin cu e prome pasonan di cambio trahando hopi duro, cu un director den servicio, cu ATIA ta den comunidad y e hende muher den liderasgo ta e 3 punto cu a traha internamente hopi duro y a forma un team y a pone pa haci e proceso interno cana mas miho cu ora cu a yega. Ora cu a sinti di a cumpli cabalmente cu e tareanan, cu ta equivalente na 5 año di trabao, mientras cu comunidad a dune su merito

cu e merece, Joyce a sinti cu ta ora pa bay y busca retonan nobo. "Tin hopi hende cu ta pega na titulo, ami sigur no ta un persona asina. Ademas un titulo no ta haci un hende, loke ta haci bo hende ta pa yuda otro hende", Joyce a remarca. "Nos tur mester pone menos atencion riba e titulo, y mas riba kiko nos por haci pa otro, nos ta contribui na un mihor comunidad. Un grupo masha importante den comunidad ta prensa cu a yuda ATIA masha hopi y e cooperacion tabata uno hopi bon. Prensa ta un instrumento hopi importante y pesey mester trata prensa cu hopi atencion y dedicacion y mester mantene un bon relacion cu prensa", Joyce a añadi. Banda di tur esaki ela yuda pa un hoben regresa su pais y cubri e puesto di director nobo di ATIA, cu ta den persona di Igmarr Reyes. Den bida reto ta hopi mas importante cu un titulo y e satisfaccion mas grandi ta pa logra e reto ey tambe cu ta parti di exito.

Kiko ta e reto nobo pa Joyce?

Net prome cu a drenta den servicio di ATIA Joyce a wordo certifica pa life coach cu ta despues di un demanda pa esaki, ya cu e coaching tin su resultado positivo. Esaki a wordo poni riba hold y despues di casi 3 año lo enfoka riba esaki como un punto di salida. E lo ta desea di coach

hende muher hoben cu kier sigui riba e trapi di exito; cu e muher jong kiermeen jong di curazon, pensamiento & energia y no di edad. Pues e reto ta pa tey pa e ser femenino den coaching. Joyce por ta un di e proximo oradornan den 'Women in leadership' na unda cu e por comparti su talento, conocimiento y experiencia cu demas sernan femenino asistiendo na e conferencia aki. Prome di a bondona ATIA como director, e asosacion a pidi'e pa organisa 3 evento di cual 'Women in leadership' lo sigui.

Joyce ta basa su mes riba calidad y con por ta un 'critical thinker'! como persona positivo mester ta tambe critico pa mehora. E punto di preocupacion ta cu e hendenan ta bira fanatico cu no ta duna posibilidad pa wak cosnan mas racional, cu logica y cu berdad. No mester ciega bo mes den cosnan cu no ta di acuerdo cu hende, no por ta di acuerdo riba tur cos cu otro, e respet mester keda fundamental y tin propio pensamiento. Fanatismo no ta yuda ningun hende, ningun pais y mundo no ta bay dilanti.

Shift nobo

Recientemente Joyce tabata na Corsow den ramo di su retonan nobo. E prome ta encera re-branding di su mes, cu ta encera public speaking, un buki, Women in Leadership

y coaching. Na Corsow a sinta cu "We Do Care Foundation", cu ta encabeza pa Vernis Hernandez, na unda cu e fundacion a muestra hopi interes pa traha riba diferente proyecto hunto. E fundacion ta encera grupo di doño di negoshinan chikito cu ta bini hunto. E grupo aki kier traha riba politica y no kier tin nada di haber cu esaki, na unda cu mas bien nan kier hasta cruza frontera di Corsow y cu Joyce como nan representante na Aruba. A sinta tambe cu Interpoint, cu ta un grupo for di Hulanda kendenan ta trahando na Hulanda, Corsow, St.Maarten, Islanan Bes y Aruba y nan ta desea pa Joyce representanan y duna coaching y training. E focus di Joyce pa loke ta su reto nobo ta mas pafor di Aruba. Lo keda biba aki pero ta traha internacionalmente, exportando su knowledge principalmente riba tereno di turismo. Aruba ta wordo reconoci mundialmente den tursimo.

E ta hopi importante pa tin un relacion hopi bon cu prensa! Women in Leadership lo tuma lugar dia 21 di Juni proximo cu enfoko local. Profil Economico a expresa palabranan di gratitud na Joyce pa e bon palabra y reconocimiento pa e trabao cu nos ta desplega durante cu ela fungi como director di Atia.